

中國方志叢書·華南地方·第二三七號


據

民國·趙模修，王寶仁纂
民國十八年鉛印本

影印

福建省

建陽縣志



成文出版社有限公司印行

992266



10098466

孝友傳

唐

劉常性至孝喪父後廬墓七年有靈芝兩莖產於庭建中元年刺史陸長源觀察使常袞以聞詔旌門閭賜粟帛改所居里曰忠孝

熊袞父祕避黃巢亂乃自南昌徙建陽卽義寧山下居焉昭宗時袞爲兵部尙書兼御史大夫性至孝時當亂後例無俸給惟立功乃有賞賚袞悉散之部下家無餘贏父喪不能葬晝夜號泣天忽雨錢三日得畢葬事餘錢悉以輸官其鄰里僕隸得之者皆化爲土後人稱之曰忠孝兩錢公

宋

陳萬年字宗之殿中侍御史洙曾孫也洙於仁宗朝上建儲疏而繼之以死厥後朝廷屢修嘉祐定策功而洙獨未之及萬年憤惋具事以聞章下任事者不報將復之謀諸朱子朱子曰朝廷清明耆俊在服子之所病殆其不然乎

之行也其必有以藉手而歸拜殿中君之墓矣爲文送之最以立身顯親云

江明 事詳 儒林

元

林童字本初三歲失怙事母以孝稱與物無忤鄉有死喪無告者每施棺殮之
明

胡本字貫通號鞠莊縣坊北隅人性至孝父喪廬墓三年手折脚鐺旦夕啜粥
每昏夜風雨倚廬哀號聞者爲之悽惻年四十五卒洪武間郡守芮麟篆其
碑曰孝子鞠莊先生之墓

李繼元縣坊人性慈孝好義有長者風初補邑弟子員痛父蚤喪每泫然歎曰
母以熒熒稱木亡人孤奈何志青紫而曠溫清遂養母以終嘉靖間賊警至
倡衆防禦歲飢首輸粟助賑院憲義而旌之有司以賓筵請凡十二卒年七
十九名紀郡邑旌善亭

李世科字汝登縣坊人前瀏陽令朝佐仲子有孝行父嘗邁疾世科輒每夜籲天願減己齡以益父算父疾尋愈世科舉萬歷辛卯鄉試坊緡悉分與知交居恆布衣徒步恂恂鄉曲卒年四十八人惜其志業未竟云

趙觀本字子立邑諸生少窮學問晚而歸禪曰五儒闢佛未諦內典耳苟有益於身心性命何必陰收陽斥對客語非啓以明性體收放心則勉以敦善行積陰德曰吾蓋學佛而益知爲儒也父瑛疾觀本奉侍維謹不離跬步者二十餘年庶弟應爲人後觀本分已產與之凡賑饑施藥恤孤憐寡皆罄橐無難色自奉則脫粟而已早年常受羅念菴同仁之訓而晚證於李見羅止修之學郡邑士大夫高其行誼卒時端坐怡然若預知者遠邇咸哀慕之

袁天爵字子修董遊里人紱之孫性至孝父三繼室各有子天爵遇之厚妻死不再娶妹道恆適黃門年十有七蚤孀無嗣矢志冰檠天爵所以周恤之者甚備好施予有貧不能存其室者婦方孕而遣之天爵助之贖後其人卒舉

子以延其嗣夫婦輒尸而祝之焉侍御劉公應龍匾其門曰孝友

李廷輔性至孝居三桂里水南父歿未葬萬歷三十七年洪水暴至平地水高一丈水南地濱大溪勢尤洶湧廷輔度棺不可徙遂以布纏其棺於樑上自上據之與水相出沒凡二晝夜水退棺竟獲全縣令董公暹上其事於巡按許學道岳爲旌其門

賴繼齡字兄泉崇泰里人性純孝母病誓以身代乃割服調藥以飲之尋愈母沾癱疾十八年奉侍未嘗少懈及卒廬墓三年猶不忍歸嘗立義田以給宗族復購義山俾貧者有葬身之地凡四登賓筵邑有司先後旌其門曰至孝性成曰孝義可風

朱錠字繼峯考亭裔幼失怙事孀母甚孝母家政嚴肅每夜門必親鎖一日鄰火延及其家倉皇失鑰錠抱母大哭地忽湧光數丈鑰見神坐前母子獲免時以爲至孝所格年七十餘三登賓筵汪張二邑侯旌之有耆德嘉賓行高

儒裔二額云

張其顯字含光崇泰里莒口人郡廩生事母以孝稱某年土賊起顯負母逃卒遇賊欲殺其母輒以身蔽之曰寧殺我勿傷吾母尋詳其愷氏咸相戒曰此孝子先生也勿犯之母卒躃踊哀毀卽喪次伴食三年姪有破產者以己產賑之勸使樂業課子力耕年七十餘終

袁天則字見石童遊里人邑諸生事繼母葉氏屢受箠楚未嘗改愉色凡三十餘年兄弟分產有混取其物業者不之校田租或有不給悉蠲助焉年六十四無疾而卒

張鑑字汝器三桂里水東人有孝行父歿繼母應氏將有他志鑑哭曰母恐兒魍魎耶鞠我之恩與生我等兒終不敢懷二心而負罔極恩母感泣遂爲之留其後資產益饒恤寡贍貧嘗修合食藥以施病者多所全活屢舉鄉飲力辭不就人益高之卒年六十九

朱秉鈇文公十一世孫履繩蹈矩事繼母至孝潛心家學多所發明生徒從游甚衆

黃明德字希文邑諸生縣坊人性樸茂孝事繼母葛氏飲食必親饋出告反而不少違從姪大年兄弟少孤貧無立錫明德撫之成立里有貧而死者施棺助葬不下數千緡家中落猶傾橐以周人之急萬歷乙未邑令趙子貞聞而旌之卒年六十一著有獨知編藏於家

袁中道字成史孝友仁厚慷慨好施著躬行易說淵衷諸書每爲李見羅先生所許時御史徐公題獎有負親涉河逃難母恙長夜不眠之句子天元孫文璐俱以德行稱學使屢加優獎焉

劉大易字龍田書坊人事父母以色養姪幼孤撫之成立好施濟鄉鄰侍之舉火者數十家初業儒弗售挾篋遊洞庭瞿塘諸勝喟然曰名教中有樂地吾何多求過歸侍庭幃發藏書讀之纂五經緒論昌後錄古今箴鑑諸編既卒

以子孔敬貴贈戶部廣東清吏司主事崇禎間祀鄉賢祠

周世正字性字邑庠生性至孝母彭氏病篤願以身代其母忽語之曰適到一所有人謂吾壽將盡因汝貧而好施增壽一紀吾病其瘳矣後算果如所云御史張三謨邑侯謝秉謙咸榜其門旌之凡三舉賓筵卒年八十餘子孫皆業儒

李正植字勉吾縣坊人韶年補邑庠生父罹非刑嘗以身代之修先墳者凡幾未嘗責第一錢鄉鄰有貧士亦往往受其資助當事旌之曰儒林齒德曰遺經翼後

朱洪鏢字若泉爲人愿慤父卒處衆弟無二心閭里欽焉知縣沈鼎科達其蹟於按院路公題請恩賜冠帶吏部清吏司張及王盧二布政各有獎額

清

葉正鑑茶壩人其族葉先鋒爲劇賊窺正鑑之嫂欲強娶之先殺其父兄正鑑

憤甚及先鋒招安來郡城正鑑蹤跡殺之未便也會關帝誕辰正鑑密祝曰公爲明神我爲孤子神如相予助我一指力有頃先鋒至立叢人中看劇正鑑亟取屠刀直入刺之大呼曰吾今以報吾父矣知府高攀龍得其實義釋之

張陶字季芳邑庠生事母至孝母病十餘年必親嘗湯藥乃進及母卒哀痛骨立性復好施常周人之急殮則與櫬年七十終

沈瑞字麟郊性純孝內外無間言朝天橋災嘗助木千餘建草橋年二十五子二妻死不娶亦不畜婢妾姚邑侯旌以孝義濟美匾額凡九薦貢筵鰥居四十七年卒

徐世俊家貧事母極孝母患血崩三載不瘳世俊晨夕侍奉未嘗離母側及病篤焚香割股願減己算以增母壽母病尋愈

按建續志云割胸內雜藥以

進母病卒不起世俊竭力營葬一毫不以累兄與此略異

李德基字衷實三桂里人辛卯恩貢考授通判少貧力學有文名事父孝晨昏奉養不離左右雖部檄催選不應也弟瞽侍之未嘗私卒年八十三

朱汧字蕙巖北維里人少失恃事繼母江氏二十七載江目患幾瞽汧嘗爲吮咂有少訶譴輒跪而謝過及陳德容之亂江病莫能脫汧乃棄子而負之以逃里人憐之爲攜其子得俱全汧爲人方正性嗜學登順治戊子副榜任景州判政尙寬平乞歸後不干長吏賑貧寒瘞荒樵鄰里有不能殯葬者輒助之凡三登賓筵卒年八十六父凌雲嘗於汧梁以五十金活江上林妻子三人又往往施棺濟困人謂其家教然也

倪坤字體乾三桂里人孝友仗義有弟武揚坤爲治家產凡父母身後事俱自爲經營甲午歲歉民艱於糴體乾減價售之全活甚衆乙未任歸化司訓士之貧者不責一脔後以老告歸未嘗私謁公庭登賓筵者十三年七十五卒倪在字修文三桂里人立行醇謹秉心潔白事父母得歡心兄弟間無一詬語

鄉鄰有貧者傾橐周之不少惜按院朱克簡聞其事而面獎之卒年七十有九

袁光朝 事詳義行

江潮字信公縣坊人節婦彭氏之子嘉慶戊辰舉人偉鼇之祖也生八月而孤家貧外大父彭公提常伙助之其父疾革時遺命必訓子讀書因從學於徐孝廉文煜年十二能成制舉藝其明年公提卒母子益伶仃潮遂以業賈奉甘旨性純孝事母甚謹嘗外賈往來吳下者近三年一日忽心悸遂馳歸彭方臥病潮猶得侍湯藥治身後事人謂其孝行感於神實有陰相之者母卒贖舊屋數楹立祠宇月之朔望必虔祭齋戒爲母資冥福垂數十年繼以其地湫隘乾隆間爲其母請旌乃建坊立新祠於學巷生平自奉約惟養與祭及祠中燈火凡所以奉其母者必極豐腆年及耄猶切孺慕與子孫言及其母苦節事輒爲流涕時從昆弟死而無後者有虛糧數十畝潮不求豁免

悉以爲己戶而納之捐田若干畝充爲三世祖祭租其能推廣孝思如此

劉齊元茶埭新橋人年十二喪父家貧事母甚孝十五歲時有盜賊數輩持械入室執其母索財物齊元奮拳擊盜盜競毆齊元齊元呼曰願斃我勿傷吾母盜義其釋之母得無恙康熙三十六年歲荒齊元率妻李氏共食藜藿而以精糲養母母嘗病枕瘡久不愈齊元爲吮膿血凡數日而瘡有從弟齊文當後於其仲叔叔無餘貲齊元分己田予之俾得以存活乾隆八年請旌建坊

蕭元桂

詳見宦績

倪土城縣坊人母早寡家貧爲縣傳供吏拮据以供甘旨母老病痲且瞽輾轉床席間動輒需人時土城妻已先卒土城奉侍謹猥褻之役靡不備至夜臥必數起聽母指揮在官值事畢卽趨視母每出必市果餌以獻如是者年餘母歿後土城旋卒土城雖給事公門性和易無猾吏習氣云母劉氏傳具節

孝

戴壽壽莆田人父寓建陽遂家焉父死無餘貲其兄某素放蕩不事生業常旬日不歸壽賣餅以供母及兄歸和顏接之不相訕讓也既而母病痿痺殯牀蓐者十餘年表袒廁牕之役皆獨任之無忤意無難色亦未嘗一諉其兄兄卒感悟爲分手足之勞不復外出云

許順榮同由人少失怙家貧事母孝力農奉養出必告反必面三十餘年如一日迨母病沒哀毀異常設神主於母之寢室凡母手生前器具悉陳列不肯拋棄每食必祭如事生焉

張光遠縣坊人五歲喪父賴母撫育稍長卽知反哺之義承順慈顏從無違忤家貧困設帳課蒙博修脯以奉甘旨研心經史每屢試不售而志不少懈七十八歲始進泮可謂有志竟成者也卒年八十有八友人徐樹滋嘗書輓以表揚之

徐慶松仁德里墩頭人幼失怙家貧侍母和順入息之餘代母操作兼撫幼弟妻早亡遺一孤有勸其續絃者慶松不允謂弟已長成當稍積錙銖爲弟謀室家也操農業荷鋤持畚以身先之兄弟間有愛敬之遺風焉姊適將口王氏亦貧困恆周給之

李輝文同由人邑廩生事親以孝聞親歿廬墓三年每逢時祭恭敬將事至老不懈又創全邑賓興加惠士林

李琴書同由人字瑤圃邑廩貢生以貲報捐訓導因母王氏青年守節不忍離左右故未補銓凡母親飲食起居必親侍養歲庚辰奉旨旌表節孝入祠建坊送迎之前夕適大雨滂沱至四更未歇琴書憂形於色率子孫焚香禱告黎明晴霽人以孝心所感云

章華林字周圍號楚臺崇仁德里人少失怙性孝友從堂兄顯遊嗜學不倦游於庠旋食廩餼清光緒己丑恩貢選授直隸州州判少力學有文名事母以

弟兄弟尤可異者當其赴郡考貢時母陳氏年踰八旬有七偶沾微恙日侍
湯藥不忍別離母促之曰大丈夫志在四方功名爲重子雖微恙孫曾滿堂
無煩慮爾迨就道赴郡匝月歸隔一天母顧而笑曰予今可以瞑目矣卒
年八十有七鄉黨宗族咸稱孝友所致云晚年隱居不仕以詩書課孫曾老
而不倦鄉人士咸稱贊焉卒年七十五以無疾終

吳義孫崇仁德里虞城人父燃貞早逝事母徐氏以孝聞兄弟五以身率弟力
穡稍有餘義歷爲諸弟受室兄仁孫無子爲兄立後至再不吝其友于兄弟
又可知耳道光庚戌夏母患沉疴義孫侍湯藥不離左右母歿哀極水漿不
入口者數日收殮後每夜必臥柩旁及葬本境虞坑山仍夜夜露宿墓前奉
以香火約數十天諸弟勸之歸

謂何不懼耶義孫曰母子相依何懼之有具
生能致敬死能盡哀有如此

忠義傳

唐忠義

熊博居赤岸爲熊姓東姓之祖唐末避黃巢亂入閩於袞爲從兄弟博有材勇尚氣節中和四年陳巖爲閩觀察奇其材因表爲建州刺史時州治被巢焚燬寓治建陽陳巖卒徐範據州叛以應王潮博執節死汝陽張汝弼贊曰唐室惟危民不安堵避地入閩建功禦侮忠貫日星材兼文武爲國捐軀名垂萬古

宋忠義

陳洙字思道三桂里考亭人考亭宋名蓋竹洙以父蔭當補推興與其弟力學自奮明春秋登慶歷二年進士歷知長溪烏程二縣所至皆有聲績擢殿中侍御史嘉祐中同知諫院司馬光上疏乞選宗室爲皇嗣上令以所言送中書而光欲出自上意言此事止當造膝密言非如他事可露章廷爭也幸勿

忽忽俟主上自發德音乃爲喜耳洙數趣光曰若俟上自言當在何時遂上疏極言東漢建儲不密之弊杜喬李固徒取誅戮無益於事且曰陛下以臣懷異日之圖莫若殺臣之身用臣之言疏方上卽仰藥死以自明其無所覬奏下大計遂定賜洙錢百萬元祐初光奏請官其一子并乞降旨下衢信建三州官吏候洙柩至遣人護送亦足以示朝廷褒直勸忠終始之恩

呂

社事詳名臣

劉 頴字子誠翺七世孫紹興間爲廣州參謀時劇盜纂母謹和尚陷三水鎮頴師兵勦捕轉淮東提刑金主亮趨淮東頴力戰死之諡忠簡

蔡 諒字守信其先弋陽郡人唐昭宗時八世祖爐從王潮入閩爲建陽長官遂卜居麻沙鎮紹興四年諒由鄉貢入太學除大名司訓擢太學錄崇寧間表勸徽宗以剛仁勤儉數事又謂時相蔡京曰清慎正直宰臣之度司馬光呂公著何等人品而目爲奸邪且鑄之石也恐彰君相之過耳京大怒卽棄